



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
**Služba za katastar, urbanizam i**  
**imovinsko-pravne poslove**

---

Broj: 06-31-8-58-78-16/14.

Datum: 11.03.2015. godine.

**PREDMET: IZVJEŠTAJ O PROVEDENOJ JAVNOJ RASPRAVI**

Općinsko vijeće Tešanj je na svojoj 24. sjednici održanoj dana 13.11.2014. godine donijelo Zaključak broj: 02-31-8-58-79/14 od 14.11.2014. godine o usvajanju Nacrta Odluke o nazivima i označavanju ulica, trgova i označavanju objekata brojevima na području Općine Tešanj i istu uputilo na javnu raspravu u trajanju od 45 dana. Nakon toga je uputio poziv za javnu raspravu kojim su pozvani svi zainteresovani da dostave svoje prijedloge i primjedbe na Nacrt navedene Odluke najkasnije do 26.12.2014. godine. Usmeni dio javne rasprave održao se u tri različita termina na različitim lokacijama (Tešanjka, Jelah i Tešanj) kako bi zainteresovani imali priliku da što bolje sagledaju predložena rješenja, te da im ista budu što jasnije i preciznije obrazložena. Prva usmena rasprava održana je dana, 05.12.2014. godine (petak) u općinskom uredu u Tešanjci u terminu od 8:30 do 11:30. Druga usmena rasprava održana je dana, 09.12.2014.godine (utorak) u sali općinskog vijeća u Tešnju u terminu od 9:00 do 12:00, te u Jelahu dana, 10.12.2014.g. terminu od 9:00 do 12:00. Javnim raspravama prisustvovala su svega 4 fizička lica.

Bedak (Mehmeda) Bedrudin iz Tešnja, grupa građana MZ Tešanj i MZ Tešanj predložili su da se obuhvat Ulice Abdurahmana Mešića poveća kako bi i njegov stambeni objekat bio u njenom obuhvatu: da se Ulica proteže od zgrade Vemala do kuće Esada Čauševića, kao i da se sadašnji naziv ulice Abdurahman Mešić zamijeni nazivom Nesuha Mešića.

Prihvata se prijedlog ali je potrebno provesti proceduru za davanje naziva (zbog funkcionalnije organizacije predložena je nova ulica za teritoriju-lokalitet koji je predmet primjedbe).

Kasim Kotorić iz Krndije je skrenuo pažnju na grafički dio u kojem nije naznačen obuhvat Ulice Krndija iako ona postoji (navedena je) u tekstu Odluke koja je predmet javne rasprave.

Zahtjevu je udovoljeno.

Sinan Roša iz Dobropolja je predložio da se produži obuhvat Ulice Braće Pobrić do puta Reufbegovka - put Hadžići u Dobropolju ili da se tom dijelu tj.od raskrsnice kod MUP-a do puta Reufbegovka dodjeli novi naziv.

Prihvata se prijedlog ali je potrebno provesti proceduru za davanje naziva.

Nerminka Handžić je predložila da se parcela označena kao k.p.broj: 476 za k.o. Tešanj I uvrsti u obuhvat Ulice Nedžada Šaranovića, te je zahtjevu udovoljeno.

Bešlagić Hasan i Bešlagić Adem predložili su da se kao ulica definiše i prostor koji se proteže uz saobraćajnicu od stambenog naselja Krndija do raskrsnice na Marin Hanu te da joj se dodijeli prikladan naziv.

Emir Kotorić (sekretar MZ Jelah) je predložio da se Ulice Muje Đonlagića i Maka Dizdara koriguju i to na način da se Ul. Muje Đonlagića uzdužno popolovi tj.da dio do potoka bude Ul. Maka Dizdara a da se predloženi obuhvat Ul. Maka Dizdara tj. preko potoka ukine jer je to industrijska zona Ekonomija. Takođe je predloženo da se produži obuhvat Ulice Teslička prema jugu duž potoka, da na

raskrsnici Omanjska- Miljanovci prema Omanjskoj nema planirane ulice zatraženo je da se imenuje ulica obzirom da je to prostor do granice sa Općinom Usora kao i da se imenuje ulica koja se pruža desno od navedene prema novom naselju do zadnje kuće.

Prihvata se prijedlog. Dio koji se odnosi na korekciju obuhvata Ulice Muje Đonlagića i Maka Dizdara vidljiv je na Grafičkom prilogu br.2, a u pogledu prijedloga formiranja novih ulica, potrebno je provesti proceduru za davanje naziva.

Hadži Hakija Ahmetaga Oglu predložio je da se Ulica Ahmetagića put ucrtka kao što je njen obuhvat u odluci od 28.02.2013. godine, te da se obuhvat Ulice Senada Hodžića produži do Ahmetagića puta.

Prijedlogu je udovoljeno što je vidljivo na grafičkom prilogu br. 1

Na javnoj raspravi održanoj 05.12.2014.godine u Tešanjci Dževad Bekrić je predložio da se ulica 27. Jula skрати, odnosno da se smanji njen obuhvat u sjeveroistočnom dijelu gdje je trenutno ucrtan obuhvat do kuća Muminovića, te da se novi obuhvat predvidi do ulaza prema kući Nikole Dadića. Prijedlogu je udovoljeno što je prikazano na Grafičkom priligu br. 3.

Osim gore navedenih primjedbi koje su uložene na usmenom dijelu javne rasprave Služba za katastar, urbanizam i imovinsko-pravne poslove općine Tešanj zaprimila je i sljedeće primjedbe/prijedloge:

Mjesna zajednica Jelah je u podnesku broj: 01-234/14 od 08.12.2014.g. istakla da podržava Nacrt Odluke o nazivima i označavanju ulica, trgova i označavanju objekata brojevima na području Općine Tešanj te predlaže "da se u sklopu ove Odluke pristupi aktivnostima na davanju naziva novim ulicama ili eventualnu izmjenu naziva postojećih ulica, pošto postoji i inicijativa građana stim, da se u sklopu ovih aktivnosti pokušaju riješiti i imovinsko-pravni odnosi u ovim ulicama, tj.da se građani odreknu prava u ovim ulicama i putevima u korist društvene svojine."

Grupa građana Kerića brdo-Krndija (30 građana u potpisu) je u podnesku od 09.12.2014.g. predložila da se produži obuhvat Ul. Abdurahmana Mešića.

Grupa građana iz Tešnja (48 građana) je podneskom od 25.12.2014.g. predložila izmjenu naziva Ulice Abdurahmana Mešića (od objekta Vemala do kuća Brakovića) u Ulicu Nesuha Mešića te izmjenu naziva Ulice Nesuha Mešića (iz Ul. Abdurahmana Mešića, prva ulica lijevo od Vemal-ove upravne zgrade) u Ul. Abdurahmana Mešića, a Mjesna zajednica Tešanj je podneskom broj: 1-203/12/14 od 26.12.2014.g. podržala inicijativu grupe građana kao u podnesku od 25.12.2014.g.

Putem e-maila od strane Mešić Safeta iz Tešnja je dostavljen prijedlog da se ispravi opis ulice Hajrudina Hajdića u Tešnju i da piše "Ul. Hajrudina Hajdića koja polazi od ulice Braće Pobrić pa ide kraj dječijeg obdaništva prema stambenom objektu Safeta Mešića do ulice Meše Selimovića kod objekta Smaila Galijaševića.

Prijedlogu je udovoljeno što je prikazano na Grafičkom priligu br. 1.

U terminu od 24.11.2014. godine do 26.12.2014. godine koliko je trajala javna rasprava Služba za katastar, urbanizam i imovinsko-pravne poslove općine Tešanj zaprimila je ukupno 13 primjedbi/prijedloga/ koje je razmotrila radi nastavljanja daljih aktivnosti.

U toku Javne rasprave za dodjelu naziva ulica shodno Nacrtu Odluke o nazivima i označavanju ulica, trgova i označavanju objekata brojevima na području Općine Tešanj ukazala se potreba da se dodjeli nazivi za 10 Novih Ulica, kako slijedi:

Po zahtjevu mjesne zajednice Jelah i građana na području naseljenog mjesta u Jelahu potrebno je odrediti nazive ulica koje su označeno kao:

- Nova Ulica 1 – "od skretanja za Omanjsku do granice općine Tešanj prema općini Usora uključujući i zadnju ulicu desno prije potoka" (Grafički Prikaz br.5),
- Nova Ulica 2 – "od Ulice Nova 1 prva ulica desno do kuće Okić Mirsada" (Grafički Prikaz br.5),

- Nova Ulica 3 – *"od Ulice braće Kotorić, kod kuće Džafera Kotorića, do kuće Adema Brkovića"* (Grafički Prikaz br.6).

Po zahtjevima mjesne zajednice Tešanj i građana na području naseljenog mjesta u Tešnju potrebno je odrediti nazive ulice koje su označene kao:

- Nova Ulica 4 – *"novo naselje Krndija, kod plave džamije"*,
- Nova Ulica 5 – *"od kružnog toka prema Jelahu do raskrsnice na Marin hanu (kod trgovine Fežića)"*,
- Nova Ulica 6 – *"od Ulice Abdurahmana Mešića do mosta kod kuća Hadžimujića"*,
- Nova Ulica 7 – *"od Ulice Ali-paše Hećimovića do raskrsnice sa Ulicom Abdurahmana Mešića"*,
- Nova Ulica 8 – *"od Ulice Skendera Kulenovića (kod skretanja za Tugoviće) do raskrsnice kod mosta Toplane (zv.Poljice)"* (Grafički prilog br. 7) i
- Nova Ulica 9 – *"od Ulice Braće Pobrić do skretanja u Dobropolje (zv.Reufbegovke)"* (Grafički prilog br. 8)

Zatražen je stav Komisije za dodjelu počasnih naziva u vezi prijedloga davanja naziva "devet ulica" dopisom od 12.02.2015.g. po kojem se Komisija nije očitovala u smislu davanja naziva ulica, tako da su ulice za koje bi se trebao dodjeliti naziv označene riječima "Nova Ulica" rednim brojevima od 1-9.

Po zahtjevu upućenom Komisiji za dodjelu počasnih naziva dana 23.02.2015.g. u pogledu zahtjeva MZ Novi Miljanovci da se dio puta od raskrsnice Miljanovci-Lončari-Novi Miljanovci do mosta na potoku dodjeli naziv; "Ulica Put Bege Jacića" ista je dala svoj Stav da je prihvatljivo i argumentovano da se opisani dio puta u ovoj MZ imenuje kako je to predložila MZ Novi Miljanovci.

**Obzirom da je po zahtjevima MZ Tešanj, MZ Jelah i od strane građana traženo da se dodjele nazivi za 9 Novih Ulica, od čega 4 ulice u Jelahu i 5 ulica u Tešnju (prikazano na Grafičkim priložima) a kako Komisija za dodjelu počasnih naziva, imenovana od strane općinskog vijeća Tešanj, razmatra prijedloge naziva ulica potrebno je da, ukoliko općinsko vijeće smatra navedene zahtjeve kao opravdane, predloži nazive ulica sa svim potrebnim elementima (obrazloženje npr.predlažem naziv; "Ulica Omera Pobrića" jer je imenovani poznat po promociji pjesme sevdalinke, promovirao je Tešanj iz kojeg potiče, osnivač je Instituta za sevdah...) kako bi se isti dostavili Komisiji za dodjelu počasnih naziva na razmatranje.**

**POMOĆNIK OPĆINSKOG NAČELNIKA:**

NADIR Medarić, dipl. ing. geodezije